



Kantonales Sozialamt
Uffizi dal servetsch social chantunal
Ufficio del servizio sociale cantonale

USO Info 2026 | 01

L'Uffizi dal servetsch social chantunal infurmescha

Survista dals temas

- Cussegliazion spezialisada per la protecziun d'uffants – sustegn cun «Cumpass»
 - Numer da telefon 142: Il numer central per victimas da violenza
 - «gira.gr» – agid social cun nova software per la gestiun dals cas
 - Revisiun da las Directivas COSAS: Auzà l'import da facultad liber
 - Violenza digitala – occurrenza per crear raits cunter la violenza a chasa 2026
 - Persunas cun impediments vegnan a pled
 - Special Olympics World Winter Games Switzerland 2029
 - Tgira d'uffants complementara a la famiglia – experientschas cun la LTGU
 - Savevas Vus che...
-

Protecziun d'uffants – pertutga nus tuttas e tuts



La Cussegliazion spezialisada per la protecziun d'uffants sustegna persunas dal fatg e da referiment dapi ils 15 da settember. Per bleras persunas dal fatg e da referiment tutga in sentiment negativ tar lur mintgadi professiunal. Il basegn da survegnir ina valitaziun professiunala sco er recumandaziuns d'agir è perquai grond. Quai mussa il grond dumber da cussegliaziuns.

Grond è er l'interess d'aprofundar il tema e da valitar independentamain ina situaziun cun l'instrument «Cumpass». Per las scolaziuns da l'Uffizi dal servetsch social datti bleras annunzias che conferman: Da survegnir dapli segirezza e d'agir adequat ed ad uras, cura ch'i va per la protecziun d'uffants, èn giavischs centrals

da las personas dal fatg e da referiment ch'èn di per di en contact cun uffants e giuvenils.

>Cussegliaziun spezialisada per la protecziun d'uffants cun «Cumpass»

Numer da telefon 142: Il numer central per victimas da violenza

A partir dal 1. da matg 2026 pon victimas da violenza telefonar en l'entira Svizra sin il numer gratuit 142. Il Cussegl federal, la Conferenza da las directuras e dals directurs chantunals dals affars socials ed il parlament permettan uschia a las personas pertutgadas in meglier access a la cussegliaziun.

Cussegliaziun da tuttas uras: Durant las uras da biro porschan las instanzas chantunals da l'agid a victimas ina cussegliaziun directa. Durant la notg e la fin d'emna garanteschon personas scoladas da terzs purschiders la cussegliaziun ed ina cuntanschibladad permanenta.

Gia dapi il november 2025 mainan ils chantuns GR, SG, AR e AI cuminaivlamain in servetsch da 24/7 sco fasa da test. Cun il cumenzament en l'entira Svizra vegnan da nov er ils chantuns GL e TI integrads en la cooperaziun.

Vischnancas lavuran cun «gira.gr»



Dapi il 1. da schaner 2026 ston las vischnancas furnir mintga mais lur datas da l'agid social a l'Uffizi federal da statistica (UST). Il chantun sviluppa actualmain il nov sistem per la gestiun dals cas «gira.gr». Las funcziunalitads per las vischnancas èn vegnidas elavuradas cun prioritad, ed ins ha mess a disposiziun «gira.gr» a quellas vischnancas che n'avevan fin ussa betg in agen sistem per la gestiun dals cas.

82 da 90 vischnancas che na possedeven fin ussa betg in agen sistem per la gestiun dals cas, utiliseschan «gira.gr» dapi l'entschatta da l'onn per gestiunar ils cas en l'agid social. Las datas per il UST generescha «gira.gr» mintga mais

automaticamain ord las datas da la gestiun dals cas e transmetta quellas lasuenter automaticamain al UST. Il nov sistem «gira.gr» sustegna er da far la dumonda per prestaziuns dal chantun – p.ex. per la gulivaziun da las grevezzas socialas. Las vischnancas che han sezzas ina software pon midar l'onn 2027 sin «gira.gr».

En ils servetschs socials dal chantun cumenza l'introducziun parziala per il sector «status da protecziun S» ils 20 d'avrigl 2026.

Agid social en transfurmaziun: Auzà l'import da facultad liber

Dapi il 1. da schaner 2026 valan las directivas adattadas da la Conferenza svizra da l'agid social (COSAS). Las Directivas COSAS stgaffeschjan ina basa unitara che procura per la segirezza giuridica e per in tractament egual en l'agid social e che serva sco standard liant per las autoritads e las dretgiras. En il rom da l'adattaziun actuala han ins tranter auter augmentà l'import da facultad liber per ina persuna singula sin 6000 francs. Quai munta ch'ina persuna ha pir lura il dretg da survegnir agid social, sche sia facultad è vegnida duvrada si fin a l'import liber.

L'import da facultad liber è l'import ch'ina persuna dastga salvar, malgrà ch'ella retira agid social. El serva sco reserva finanziaria. L'import liber n'è gia daditg betg pli vegnì adattà a la chareschia. Cun augmentar quel ussa per 2000 francs vegn la chareschia accumulada gulivada, uschia che la reserva ademplescha vinavant ses intent.

Midadas en tut: [Directivas COSAS valaivlas a partir dals 01-01-2026](#)

Occurrenza per crear raits cunter la violenza a chasa 2026 – violenza digitala en il focus

La terza occurrenza per crear raits cunter la violenza a chasa metta la violenza digitala en il center. Plirs referats curts mussan, co che las furmas da violenza sa midan cun la digitalisaziun da noss mintgadi. Lasuenter porscha in aperitiv la pussaivladad da discurren in cun l'auter. L'occurrenza è averta per la vasta populaziun e per persunas dal fatg.

Data / Lieu: Ils 20 da matg 2026 en l'aula IbW, Cuir

Annunzia fin ils 15 da matg a haeusliche.gewalt@soa.gr.ch u 081 257 26 11

World Cafés e retschertga online: Persunas cun impediments vegnan a pled

World Cafés e retschertga online: Personas cun impediments vegnan a pled
Personas cun impediments èn expertas en atgna chaussa. En trais World Cafés
sco er en ina retschertga online senza barrieras che vegn fatga durant l'avrigl e
matg 2026, pon personas pertutgadas deponer lur experientschas, dumondas e
giavischs. Ils World Cafés e la retschertga online han lieu en tut las trais linguas
chantunalas.

En il center stattan dus temas: Sensibilisar la publicitad e pussaivladads da sa
barattar cun l'administraziun. Il Post da coordinaziun per ils dretgs e l'egualitad da
las personas cun impediments rimna ils resuns per concepir las purschidas tenor
ils basegns da las personas cun impediments.

Giavischais Vus ulteriuras infurmaziuns? Lura scrivai a nus per plaschair in e-mail:
jean-pierre.schneckenburger@soa.gr.ch.

Special Olympics World Winter Games Switzerland 2029

Ils Special Olympics World Winter Games per personas cun impediments cognitivs
ha lieu il mars 2029 en Svizra. 3200 commembras e commembers da la
delegaziun da passa 100 pajais sa participeschan a novas disciplinas da sport. Il
Grischun ospitescha questa concorrenza sportiva e sustegna quella financialmain.

L'Uffizi chantunal dal servetsch social fa part da la gruppa da coordinaziun che
vegn manada da l'Uffizi per economia e turissem.

> [Special Olympics World Games 2029: Gieus olimpics d'enviern inclusiv en
Svizra](#)

LTGU: Emprima bilantscha suenter la revisiun totala

La finamira principala da cuntanscher las medemas reducziuns per las famiglias
cun situaziuns d'entradas e facultad cumparegliablas è vegnida cuntanschida cun
la revisiun totala da la Lescha davart la promoziun da la tgira d'uffants
complementara a la famiglia (LTGU). Nov mais suenter che la LTGU è entrada en
vigur, resultan ord il monitoring insaquants facturs-clav.

Median da las entradas decisivas

Il median da tut las dumondas per reducziuns extendidas è tar in'entrada decisiva
da 78 600 francs. La pli auta reducziun vegn concedida fin ad in'entrada decisiva
da 40 000 francs. Per entradas da 40 000 fin 130 000 francs vegn concedida ina
reducziun graduada. A tegnairchansas cun entradas da 130 000 e dapli francs
conceda il chantun ina reducziun da 25% dals custs normads. Sistems
cumparegliabels en auters chantuns u autras vischnancas prevesan per entradas

decisivas da 100 000 fin 160 000 francs naginas contribuziuns dal maun public.

Svilup dal volumen da tgira

Tar las entradas ed extradadas pon ins constatar in augment net (dumber d'extradas minus entradas). Dapi l'introducziun na datti per naging mais ina valur negativa. Il quart quartal da l'onn 2025 è vegnidas prestadas 1,5% pli paucas uras da tgira, cumpareglia cun l'onn avant . Durant la medema perioda è il volumen da subvenziuns pajadas s'augmentà per 17%, en conqual cun l'onn avant.

Prospectiva

Il monitoring è necessari tar mintga transformaziun d'ina revisiun totala en la pratica e vegn cuntinuà. Per sustegnair la contabilitad tenor las prescripziuns da l'economia da manaschi da la OTGU, vegn purschida ina scolaziun d'ina experta per las personas responsablas per las finanzas sco er per las manadras ed ils manaders da las canortas d'uffants.

Savevas Vus gia...?

Il Grischun è in dals emprims chantuns da la Svizra cun in post specialisà per personas cun impediments (stadi favrer 2026).

Kantone mit eigener Fachstelle für Menschen mit Behinderungen
Cantons avec un bureau pour les droits des personnes en situation de handicap



legenda: Brin stgir: Il post specialisà è avant maun / agiunta: Naging post specialisà

Uffizi dal servetsch social chantunal dal Grischun
Grabenstrasse 8
7001 Cuir
Tel. +41 81 257 26 54
info@soa.gr.ch
www.soa.gr.ch

Visar